



CAMPAMENTO XUVENIL "PENEDOS DE XACINTO" - ENTRIMO (OURENSE)

DATOS XERAIS: Campamento de montaña con abundante arboreda, zona verde e xardín, con aloxamento en tendas de campaña. Ten unha capacidade de 50 prazas en cada quenda. Conta con comedor cuberto, enfermería, pistas polideportivas, piscina e rocódromo e tirolina.

ACCESOS: Atópase a 70 Km. de Ourense, na estrada Entrimo – A Illa. A uns 2 km de Entrimo, coller o desvío sinalizado á dereita.

Existe transporte por ferrocarril ata Ourense e autobús ata Entrimo.

ENDEREZO: Campamento xuvenil “Penedos de Xacinto” - Estrada Bouza Drago 32680, Entrimo, Ourense

QUENDA	ANOS NACEMENTO	DESCRINCIÓN DAS ACTIVIDADES
15-24 xullo	07-08-09-10-11	<p style="text-align: center;">TEATRO E AVENTURA NA NATUREZA</p> <ul style="list-style-type: none"> • ACTIVIDADES: Dramatización, expresión corporal e desinhibición, obradoiros de formación e de observación, ensaios e propostas teatrais. Técnicas de circo, malabares e equilibrio. • Piscina, rocódromo con tirolina, orientación con GPS, grandes xogos, xogos activos, tiro con arco. • Outras actividades: aula de natureza, actividades de iniciación á escalada, rutas de sendeirismo, saída-excursión, veladas... • OBXECTIVOS: desenvolver a autonomía persoal dos/as participantes; espertar a súa creatividade; fomentar o traballo en equipo, a solidariedade e a cooperación; coñece-la natureza potenciando o respecto e o coidado ao medio ambiente.
29 xullo - 07 agosto	07-08-09-10-11	
12-21 agosto	07-08-09-10-11	
26 agosto - 04 setembro	07-08-09-10-11	

NORMAS XERAIS:

1. Os/As participantes, así como o equipo técnico, seguirán en todo momento as pautas de prevención e hixiénico-sanitarias determinadas no “Protocolo de actuación para a realización da Campaña de Verán da Xunta de Galicia no marco da crise sanitaria provocada pola Covid-19” dispoñible neste enlace http://xuventude.xunta.es/images/INFORMACI%C3%93N_PROTOCOLO_COVID-19.pdf

2. Os/As participantes estarán atendidos permanentemente por persoal titulado e especializado na organización e no desenvolvemento das actividades de tempo libre.

3. Ningún/ha participante poderá abandonar o centro sen autorización expresa do director da actividade, e sempre acompañado por un **adulto autorizado (persoa que asinou os papeis de inscrición)**; no caso de non poder estar presente este, a persoa que efectúe a recollida deberá achegar a fotocopia do DNI de quen autoriza (persoa que asinou os papeis de inscrición) e do autorizado, así como o impreso de autorización que lles será facilitado polos monitores o día da recepción.

4. **Prégase non facer visitas de non ser necesario**, coa fin de non interferir no desenvolvemento das actividades e limitar ao mínimo imprescindible a entrada de persoas alleas á instalación.





5. Para poder falar cos participantes, o horario será o establecido polo equipo directivo, do que se dará información na reunión de recepción. Nese horario, os/as rapaces/zas disporán dos seus móbiles se os traen ou ben poderase chamar ao teléfono que sexa indicado na reunión de recepción.

6. O centro conta con atención sanitaria. As persoas participantes deberán levar as **tarxetas sanitarias orixinais** (ou seguro médico, MUFACE ou similar, e o talonario de receitas).

O día da incorporación deberase comunicar ao persoal técnico da actividade os medicamentos, en caso de tratamento específico, que estean a tomar; así como as alerxias, doenzas, ou calquera outra incidencia que se considere de interese. Así mesmo, o día de chegada á instalación, dentro das medidas de prevención para facer fronte á Covid-19, tamén se tomará a temperatura á persoa participante a través de dispositivos de lectura biométrica que non impliquen contacto físico.

7. Recoméndase que non leven obxectos de valor, nin grandes sumas de diñeiro.

Prevese a organización dun banco de cartos e móbiles onde os participantes poderán depositar os seus cartos e tamén os teléfonos, (recoméndase poñer un adhesivo co seu nome tanto no teléfono coma no cargador e, no caso de ser necesario, unha lista cos números de teléfono e o PIN, se non se sabe de memoria). Os teléfonos entregaranse apagados.

8. Recoméndase levar a roupa marcada coas iniciais.

9. Nesta web, no apartado “Documentación para presentar (fase de adxudicación)” están dispoñibles os modelos de documentos (cuestionario de saúde e autonomía persoal (anexo VI), declaración de saber nadar, autorización de imaxes, modelo de aceptación de condicións de participación e de información sobre a Covid-19, modelo de autorización para recollida do menor e outra información de interese.

INCORPORACIÓN E RECOLLIDA DAS PERSOAS PARTICIPANTES

- A **incorporación** realizarase o **día do inicio da quenda correspondente**, entre as **09.00 e as 13.00 horas** no Campamento Xuvenil de Penedos de Xacinto, en Entrimo. Será preciso avisar con anterioridade á instalación, nos catro días anteriores ao inicio da quenda, en horario de 10:00 a 14:00 e de 16:00 a 20:00 h, no número de teléfono 644 776 251, para favorecer unha chegada graduada dos nenos/as participantes. Así mesmo, a persoa participante só poderá vir acompañada por un pai/nai/titor legal, tal e como se establece no protocolo.

- O día de **remate da quenda**, a **recollida dos/as participantes** deberá facerse entre as **16:00 e as 20.00 horas** na mesma instalación. Seguirase o mesmo procedemento que na chegada, debendo efectuar unha chamada ao número anteriormente indicado nos catro días anteriores ao remate da quenda, no horario sinalado.

MATERIAIS NECESARIOS E RECOMENDABLE

MATERIAL NECESARIO

Dadas as características das actividades a realizar, e tendo en conta as medidas de prevención que son necesarias adoptar para facer fronte á Covid-19, **é necesario que os nenos/as participantes traian o seguinte material** ao citado campamento:



- Toallas de aseo e de piscina.
- Bolsa para a roupa sucia. Non se poderá lavar ningún tipo de prenda na instalación.
- Cantimplora.
- Chaleco reflectante.

MATERIAL RECOMENDABLE

A maiores, é aconsellable levar:

- Útiles de aseo.
- Crema protectora solar.
- Traxes de baño.
- Gorro de piscina.
- Sandalias pechadas con velcro.
- Sombreiro ou gorra.
- Camisetas.
- Pantalóns curtos ou bermudas.
- Repelente para os mosquitos.
- Vestimenta deportiva e de abrigo: chándal, pantalóns longos, sudadeiras ou forro polar...
- Calzado deportivo que sirva en caso de choiva.
- Pantalóns de deportes.
- Chuvasqueiro.
- Mochila pequena de asa ancha para saídas.
- Roupa interior suficiente para todos os días da quenda.
- Lanterna.
- Saco de durmir. Funda ou protector.
- Bolígrafo e caderno.

O horario básico da quenda será o seguinte:

08.30 h.	Erguerse, aseo persoal, vestimenta axeitada e amaño de dormitorios
09.00 h.	Almorzo
09.30 h.	Activa-T (desprazamento, de ser o caso).
10.00 h.	Actividades de mañá (con interrupción para un refrixerio)
13.50 h.	Remate das actividades de mañá, recollida e aseo
14.10 h.	Xantar
15.00 h.	Aseo
15.10 h.	Tempo libre xestionado e preparación actividades da tarde (desprazamento, de ser o caso)
16.00 h.	Actividades de tarde (con interrupción para merendar)
19.50 h.	Remate das actividades de tarde e recollida
20.10 h.	Ducha, tempo libre xestionado
21.00 h.	Cea
21.30 h.	Tempo libre xestionado
22.10 h.	Velada
23.10 h.	Escoita activa
23.30 h.	Deitarse.

